



Broj: JN06-16-4-30-26/24  
Datum: 01.08.2024.godine

Na osnovu članka 100. Stavak (1) i (3) Zakona o javnim nabavama Bosne i Hercegovine, („Službeni list BiH“, broj 39/14 i 59/22) (u daljem tekstu: Zakon), Zavod za izvršenje kaznenih sankcija, pritvora i drugih mjera Bosne i Hercegovine ( u daljem tekstu: Ugovorni organ) postupajući po žalbi ponuđača Shot d.o.o. Zenica (u daljem tekstu: žalitelj) na Odluku o izboru najpovoljnijeg ponuđača u predmetu nabave kompleta službenih uniformi LOT 3 – Opasač sa futrolama za pištolj i opremu broj: JN06-16-4-30-15/24 od 08.07.2024.godine, Upravitelj Zavoda donosi ;

### RJEŠENJE

#### **o djelimičnom usvajanju žalbe na Odluku o izboru najpovoljnijeg ponuđača u postupku javne nabave kompleta službenih uniformi LOT 3 – opasač sa futrolama za pištolj i opremu broj : JN06-16-4-30-15/24**

1. Žalba žalitelja Shot d.o.o. Zenica broj : 24-063-18-1-KT od 16.07.2024. godine zaprimljena kod Ugovornog organa dana 17.07.2024. godine protokolirana pod brojem : JN06-16-4-30/24 izjavljena na Odluku o izboru najpovoljnijeg ponuđača u postupku javne nabave kompleta službenih uniformi LOT 3 – Opasač sa futrolama za pištolj i opremu br. JN06-16-4-30-15/24 (u daljem tekstu : Odluka) od dana 08.07.2024. godine , **se djelomično usvaja.**
2. Odbija se kao neosnovan žalbeni navod koji se odnosi na ponudu ponuđača Danial'S d.o.o. Tešanj iz razloga što je ponuđač Danial'S dostavio ovjerenu tehničku specifikaciju od strane akreditiranog tijela predviđeno točkom 18. Stav (5) tenderske dokumentacije u dijelu tehničke specifikacije koji se odnosi na opasač sa pripadajućim futrolama za pištolj i opremu.
3. Usvaja se kao osnovan žalbeni navod žalitelja koji se odnosi na ponudu KM Trade-a d.o.o. Visoko da ponuđač KM Trade nije dostavio svoju ponudu u skladu sa zahtjevima iz tenderske dokumentacije , odnosno nije dostavio ovjerenu tehničku specifikaciju od strane akreditiranog tijela predviđeno točkom 18. Stav (5) tenderske dokumentacije te dostavljena futrola za pištolj ne odgovara tipu oružja koje ovlašteni zavodski službenici koriste.
4. Poništava se Odluku o izboru najpovoljnijeg ponuđača u postupku javne nabave kompleta službenih uniformi LOT 3 – Opasač sa futrolama za pištolj i opremu br. JN06-16-4-30-15/24 od 08.07.2024.godine .
5. Po pravosnažnosti ovog Rješenja ugovorni organ će zakazati održavanje e-aukcije za kvalificirane ponuđače.
6. Ovo Rješenje stupa na snagu danom donošenja i isto će se objaviti na web-stranici Zavoda. Istovremeno Rješenje će se uputiti ponuđačima koji su učestvovali u postupku javne nabave .

## O B R A Z L O Ž E N J E

Zavod za izvršenje kaznenih sankcija, pritvora i drugih mjera BiH je dana 08.07.2024. godine donio Odluku o izboru napovoljnijeg ponuđača u predmetu javne nabave kompleta službenih uniformi LOT 3 – Opasač sa futrolama za pištolj i opremu broj : JN06-16-4-30-15/24.

Ponuđač Shot d.o.o. Zenica je dana 17.07.2024. godine izjavio žalbu na Odluku . Naime, žalitelj je izjavio žalbu jer smatra da je Ugovorni organ na preporuku Komisije za javne nabave neosnovano dodijelio Ugovor dobavljaču Danial'S d.o.o. i da je kao valjanu prihvatio ponudu KM Trade d.o.o. iako ista nije u skladu sa tenderskom dokumentacijom.

S obzirom na sve gore navedeno žalitelj predlaže da ugovorni organ još jednom razmotri Odluku te da se Ugovor za LOT 3 – opasač sa futrolama za pištolj i opremu dodijeli žalitelju kao jedinom ponuđaču sa ispravnom ponudom.

Prije nego što se upustio u meritorno odlučivanje, Ugovorni organ je pristupio provjeri formalnih pretpostavki za ulaganje žalbe, koje moraju biti ispunjene kako bi se uopće pristupilo rješavanju iste, a odnose se na uvjetovane pretpostavke propisane odredbama člana 100. stav (1). Zakona, te je utvrdio da je žalba blagovremena, dopuštena i izjavljena od ovlaštenog lica i od lica koje ima aktivnu legitimaciju u skladu sa pomenutim odredbama Zakona.

Provjerom žalbenih navoda Ugovorni organ je utvrdio da su neki navodi osnovani dok se neki navodi odbijaju kao neosnovani.

Žalbeni navod koji se odnosi na činjenicu da je ponuda ponuđač Danial'S d.o.o. nepotpuna se odbija kao neosnovan. Naime, komisija za javne nabave po zaprimljenoj žalbi žalitelja je ponovno pristupila pregledu ponude odabranog ponuđača . Nakon pregleda konstatirano je da je ponuđač Danial'S dostavio ovjerenu tehničku specifikaciju od strane akreditiranog tijela predviđeno točkom 18. Stav (5) tenderske dokumentacije u dijelu tehničke specifikacije koji se odnosi na opasač sa pripadajućim futrolama za pištolj i opremu. Ugovorni organ je imajući u vidu naprijed navedeno odlučio da se žalbeni navod odbaci.

Žalbeni navodi koji se odnose na činjenicu da je ponuda ponuđača KM Trade d.o.o. nepotpuna te da je navedeni ponuđač dostavio neodgovarajuće uzorke čije karakteristike ne odgovaraju tehničkoj specifikaciji koja je data u tenderskoj dokumentaciji usvajaju se kao osnovani. Naime, komisija za javne nabave po zaprimljenoj žalbi žalitelja je ponovno pristupila pregledu ponude ponuđača KM trade d.o.o. kao i pregledu dostavljenog uzorka opasača sa futrolama za pištolj i opremu . Nakon ponovnog pregleda komisija za javne nabave je konstatirala da KM trade d.o.o. nije dostavio ovjerenu tehničku specifikaciju od strane akreditiranog tijela predviđeno točkom 18. Stav (5) tenderske dokumentacije kao i da dostavljeni uzorka opasača sa futrolama za pištolj i opremu ne odgovara tipu oružja koje ovlašteni zavodski službenici koriste. Ugovorni organ je imajući u vidu naprijed navedeno odlučio da se žalbeni navodi usvoje .

Imajući u vidu gore navedeno a sukladno članku 100. stav 3. Zakona o javnim nabavama BiH , Ugovorni organ je konstatirao da se žalba žalitelja Shot d.o.o. Zenica djelomično usvaja te sukladno navedenom Ugovorni organ donosi Rješenje kao u dispozitivu.

**POUKA O PRAVNOM LIJEKU:**

Na osnovu člana 100. stav (4) Zakona o javnim nabavama Bosne i Hercegovine («Službeni list BiH» broj 39/14 i 59/22), protiv ovog Rješenja može se izjaviti žalba Uredu za razmatranje žalbi Bosne i Hercegovine, putem Ugovornog organa, u roku od 10 (deset) dana od dana prijema Rješenja.



**Upravitelj Zavoda**  
**Sinisa Perковић**

**Dostaviti:**

- Komisiji za javne nabave,
- Službi za opće, pravne i materijalno-financijske poslove,
- Svim učesnicima u postupku javne nabave, i
- U spis.

